

MIJO MATANOVIĆ
zastupnik u Zastupničkom domu
Parlamentarne skupštine BiH

Sarajevo, 9.9.2020.godine

PARLAMENTARNA SKUPŠTINA
BOSNE I HERCEGOVINE
ZASTUPNIČKI DOM
n/r PREDSDJATELJU DOMA
g. Nebojša Radmanović

 BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:			
Organizaciona jedinica	Klasifikaciona oznaka	Redni broj	Broj priloga
01	50-1-15-12	09-2020	1/20

PREDMET: Zastupničko pitanje – Ministarstvo obrazovanja i nauke Tuzlanskog kantona n/r gđa.Fahreta Brošnjić

Poštovani,

Sukladno članku 170. Poslovnika Zastupničkog doma Parlamentarne skupštine BiH ("Službeni glasnik BiH", broj 79/14, 81/15 i 97/15) postavljam pitanje Ministarstvu obrazovanja i nauke Tuzlanskog kantona, Fahreti Brošnjić-ministrici obrazovanja i nauke Tuzlanskog kantona te Vas molim da ga prosljedite.

Pitanje glasi:

Poštovana,

Zbog čega su iz odluke o dodjeli besplatnih udžbenika za učenike od prvog do četvrtog razreda osnovnih škola na području tuzalanske županije izostavljena djeca koja pohađaju JU Osnovna škola „Sveti Franjo“ u Tuzli? Da li se na ovakav način svjesno krši Konvencija Ujedinjenih naroda o pravima djeteta čija je potpisnica BiH, a koja garantira jednaka prava u obrazovanju za svako dijete? Zbog čega djeca koja pohađaju JU Osnovna škola „Sveti Franjo“ u Tuzli i koji putuju iz naseljenih mjesta udaljenih i po 10 do 15 kilometara nemaju pravo na subvenciju za prijevoz?

OBRAZLOŽENJE

Odlukom Ministarstva obrazovanja i nauke TK iz prava o dodjeli besplatnih udžbenika izostavljena su djeca koja pohađaju JU Osnovna škola „Sveti Franjo“ u Tuzli uz obrazloženje da osnivač ove školske ustanove nije Skupština TK nego Vrhbosanska nadbiskupija. Takav argument podjele djece i oduzimanja prava jednoj skupini djece najprije vrijeđa osjećaje djece i roditelja koji samo iz razloga jer žele obrazovanje na hrvatskom jeziku nemaju pravo na

besplatne udžbenike. Naročito je neprihvatljiva teza koju zastupa Ministarstvo da ne mogu dati udžbenike djeci zbog toga što Ministarstvo prepoznaje samo škole čiji je osnivač. Naime, udžbenici se dodjeljuju djeci, a ne školi i nisu materijalno sredstvo koje pripada školi kao ustanovi.

Takav vid oduzimanja prava djeteta je suprotan Konvenciji o pravima djeteta koja između ostalog štiti prava djece i između ostalog garantira poštivanje:

- načelo nediskriminacije, prema kojem djeca ne smiju trpiti diskriminaciju

- načelo najboljeg interesa djeteta, prema kojem pri donošenju svih odluka ili izvršenja odluka koje utiču na dijete ili na djecu kao skupinu, najvažnije mora biti najbolji interes djeteta. To uključuje odluke koje donose vladina upravna ili zakonodavna tijela, ali i odluke koje donosi obitelj.

Također i Zakonom o zabrani diskriminacije u BiH („Službeni glasnik BiH, broj:59/09 i 66/16), ali i Zakonom o osnovnom odgoju i obrazovanju TK („Službene novine TK“, broj: 9/15,6/16,14/18,14/19 i 6/20) djeci moraju biti osigurana jednaka prava.

Zbog svega toga pri donošenju zakona koji reguliraju oblast obrazovanja moraju se poštivati principi koji će osigurati jednaka prava djeteta, a nikako da se prava djece određuju naspram toga tko je osnivač neke školske ustanove naročito kad se radi o javnoj ustanovi koja pruža obrazovanje svakom djetetu bez ikakve vrste podjela.

S poštovanjem,

Zastupnik u Zastupničkom domu
Parlamentarne skupštine BiH
Mijo Matanović

